

郭
黃
全
集
十

郭嵩焘全集十

史部四

日记三

光绪元年 至 光绪四年

岳麓書社·长沙

本册说明

本册为《郭嵩焘日记》的第三册，始于清光绪元年（1875），止于光绪四年（1878）。

郭嵩焘之子郭焯莹《郭氏佚书叙目》称：“先兵左自道光十八年入试京师，随所见闻及起居酬接，按日记之，终于卒之岁。”可知郭嵩焘一生日记，长达五十余年。光绪二年十月，郭嵩焘奉命出使英国，抵达英国伦敦后即按照总理衙门的要求，将其自光绪二年十月十七日上海启程，至同年十二月初八日抵伦敦期间 51 天的日记，整理成书，并加上若干议论，寄呈北京总理衙门，后由同文馆于光绪三年以《使西纪程》书名刊行。除此之外，郭嵩焘的日记，直到 1980 年代以前，一直未有刊行。其手稿先是珍藏于郭氏家宅，1950 年代，由湖南省文物管理委员会装订成 40 册，由湖南图书馆收藏。1980 年，湖南人民出版社委托杨坚将其整理校点，分为四册，以《郭嵩焘日记》书名出版。1984 年，钟叔河主编的“走向世界丛书”，复将郭嵩焘出使英、法两国的日记，包括往返途中及回国后一段时间的日记，并与《使西纪程》刊本对校，以《郭嵩焘：伦敦与巴黎日记》书名出版。

此次收入《郭嵩焘全集》的日记，即在杨坚所整理的《郭嵩焘日记》的基础上，并参考 1984 年版《郭嵩焘：伦敦与巴黎日记》，按照《湖湘文库》古籍整理的统一要求，由梁小进、马美著重新整理而成的。本次的重新整理，将原来的四册改分为五册，

改正了1980年版《郭嵩焘日记》中的一些文字和标点符号的错误；并根据全书统一的体例，将郭嵩焘本人已经删除的内容，及原编者在日记正文中添加的文字，均予删除。

本册日记所记载的内容主要为：光绪元年郭嵩焘抵京陛见以后出任福建按察使，旋因云南马嘉理案发生，以兵部侍郎出使英国、法国和在英、法期间的外交活动，及其他对于洋务、外交的思想与主张，记述详尽细致，是晚清外交史的宝贵史料，更是郭嵩焘洋务、外交思想与活动的珍贵记录。郭嵩焘在这一期间所写的日记，曾记录了不少外国的地名、人名，原系以汉文音译。此次整理，为方便读者，我们将这些外国地名、人名的英文附注于页末。

作为一位中国近代的杰出洋务运动思想家和政治活动家，郭嵩焘的日记，逐日记载了他的政治社会活动，他对于时代的思考及其政治主张、读书心得、学术见解，以及社会交往、起居行踪，内容极为丰富，对于研究郭嵩焘和他的时代，具有十分珍贵的史料价值。

全书总目录

第一册 经部一

周易内传笺

周易释例

第二册 经部二

周易异同商

尚书疑义

诗疑义

乡党义

毛诗馀义

校订朱子家礼

大学章句质疑

中庸章句质疑

第三册 经部三

礼记质疑

第四册 史部一

奏稿

第五册 史部二

史记札记

湘阴郭氏家谱

罗忠节公年谱

湘军志评议

第六册 史部三

《湘阴县图志》一

第七册 史部三

《湘阴县图志》二

第八册 史部四

日记一咸丰五年至同治二年

第九册 史部四

日记二同治三年至同治十三年

第十册 史部四

日记三光绪元年至光绪四年

第十一册 史部四

日记四光绪五年至光绪九年

第十二册 史部四

日记五光绪十年至光绪十七年

第十三册 集部一

书信

第十四册 集部二

诗集

联语

文集

第十五册 集部三

文集

庄子评注

管子评注

郭嵩焘年表

目 录

日记三

光绪元年

正月	1
二月	6

1

光绪二年

二月	10
三月	19
四月	25
五月	30
闰五月	35
六月	38
七月	42
八月	48
九月	53
十月	58
十一月	68
十二月	86
附录 《使西纪程》原稿	100

光绪三年

正月	133
二月	148
三月	173
四月	195
五月	217
六月	237
七月	253
八月	272
九月	289
十月	316
十一月	342
十二月	364

光绪四年

正月	388
二月	418
三月	443
四月	472
五月	497
六月	529
七月	559
八月	580
九月	610
十月	636
十一月	660
十二月	684

光绪元年 乙亥

正月

光绪纪元之元年，岁在乙亥，正月初一日元旦己亥。天气晴明无风。沅甫宫保约饭，因偕诣前门关帝庙行礼，意在求签，叩问大局。适惇邸世子亦至。万人如海之中，与王子同坐一小室，因稍引而避之。过周荇农少农，尚高卧未起。陈小航、陈俊臣、魏赓臣、李俊斋、袁渔笙枉谈。

初二日。陈俊臣以宫门跪安事宜代托之朱茗荪，因往一谈。俊臣亦云茗荪过于谨慎，不及周鉴甫之开朗。沅甫宫保与鉴甫相见，曾询及鄙人，而不一托之，无与为先容者，因展转托之朱君也。致合肥相国一信。

初三日。周荇农、曹芑溪、黄瑟庵、陈伯平、黄瑾瑜、刘云生、杨秋帆、陈寿山枉过，作尽日之谈。

初四日。姚朵云、钱簏仙、李梓岑、蒋寿山、蒋少穆、周辅生枉过。接杨海琴、涂朗轩、方柳桥三信。是日雪约深寸许。

初五日。龙芝生、瞿子玖、谭敬甫、杨芋庵、李壬叔枉谈。壬叔自处弟子之列，使人惶然。周荇农邀同沅甫宫保、陈俊臣、王逸吾晚酌。致经笙中堂一书，探询跪安事宜，回示云：不宜过缓。因酌定初八日。

初六日。诣朱石翹、华尧峰、陈俊臣、朱茗荪。便赴曹芑溪之召，同席周荇农、潘莲舫、丁介帆、袁子玖。丁君新简凤阳府，

候至夜至始登席，回寓已三鼓矣。

初七日。朱茗荪、孙子寿过谈。回拜翁叔平、潘星斋、黻丞诸公，兼晤伯寅久谈。本意一诣内城，舆人以晚告，归邀朱石翹、华尧峰晚谈。

初八日。接合肥相国及王鼎丞及意城三信。正拟入城料理诣宫门请安，便过王孝奉一谈。经笙相国谓请安不宜缓，佩蘅相国又谓宜缓至百日后。因诣两相国申述鄙意，以到京例宜请安，万不可过迟，召见与否，出自圣意，亦岂小臣所能预期，百日后请安，亦尽有不召见者，而问心实有不安。佩蘅相国亦无以相难也。

2 初九日。寅初入东华门进景运门，至九卿朝房小坐。苏拉杨姓，旋引至内务府朝房，迎谒军机，恭邸、宝、沈两中堂及李兰生尚书，仍回至九卿朝房。须臾，传旨召见军机及嵩焘六额驸景寿带见。入月华苑，至内朝房小坐。内侍传恭邸命，至军机坐处。佩蘅相国让坐，予谢不敢。恭邸言：南书房旧人，何谦为！因询家世甚悉，并问意城弟名崑焘，现在何处？以精透洋务相推许，至于再四。语次顾谓两中堂：此人洋务实是精透。坐久，始返至西屋。六额驸带至养心殿。予以宝座当在正殿，顾视不类。已而内侍掀东屋帘。请安毕，进跪至席旁，得睹圣容，庄严坐御榻上时甫四龄，两旁及坐前以小案护之，覆以青布。座后垂帘，六额驸跪帘旁。太后问：在外几年？答曰：四年。在广东几年？答曰：三年。途次可曾遇雪？答曰：在泰安遇雪。地方均安静否？答曰：安静。在京城充当何项差使？答曰：南书房行走。可是告病回家？答曰：旨意来京另候差委，途次请病假。年若干？答曰：五十六岁。遂退至外朝房。阜荫方、万藕舲两尚书、黄恕皆侍郎并在，小坐一谈。英香岩中堂旋至，相与寒暄数语。因过毛煦初、董韞卿、崇地山、裕时卿、孙子寿诸处谈。复合肥伯相一信。

初十日。值七日常祭之期，敬詣觀德殿叩謁梓宮。先至內務府下住处小坐，晤崇佩如尚書，年八十四，談養生事極有意味。內務府回事者呈遞小折，字如牛毛，猶能誦之。與潘伯寅、徐誦閣、孫子壽、歐陽用甫、張子騰、崇文山、崇地山八人同列一班。隨至殷譜經、徐蔭軒、魏賡臣處談。因赴後門謁恭邸，久談。便謁福元修師，病癱瘓多年，兼耳聾，所餘一小孫而已，至內室久談。出城過賀雲甫、王逸吾及李蘭生尚書。

十一日。謁文博川中堂，延入內室，談至兩時之久。病體頹然，忠誠耿耿，實心敬之。沈經笙中堂、李蘭生尚書始相見，并雲文中堂極相引重。及見文中堂，察其意若甚关切者。此行由文中堂論荐無疑也。語次，并詢及粵東被謗之由，及左君所以相處，頗難于作答，略一申叙而已。僧邸及左君皆有盛名，于鄙人亦皆知引重，而偏不能容，致使鄙心無以自解，豈非所謂天耶？

十二日。駱慕韶、廖曉墀兩縣令來見，并廣東舊屬也。接家信一通，又從李果仙處取得家信一通，及羅小垣、衡唐叔、意城、志城、子敬諸信。因由折便致王夔石中丞、孫春皋觀察、朱宇恬、張力臣、黃子壽、朱香荪、羅小垣、意城、志城各信并家信，概托中丞妥送舍下。沅甫宮保邀食鹿尾。

十三日。回拜城外各處，同鄉及旧識皆一往通拜。晚邀李雨蒼、陳俊臣一談。俊臣告言：山東友人稱其鄉有出胡小渠門下者具折傾沅甫宮保，兼及鄙人。沅甫一笑置之。吾則以旦夕求歸，能尼吾之進取，誠所禱祝以求者。獨謂吾辭第二次兩淮一缺為懷怨望，則并當年事勢亦全未加考究矣。

十四日。城外拜客。接合肥相國、孫省齋、金眉生、朱次桐、彭仲蓮、叶介之各信。又接史偉堂、譚東湖二信。

十五日。城外拜客。三日未能了，由仆人未辨路徑之過。便

诣潘伯寅、周荇农、朱石翹三处畅谈。

十六日。潘伯寅送到《礼记质疑》、《中庸质疑》二序，沉博精当，可谓能手。回拜各处。就便访游汇东、李啸石、靳迪甫三人，均未遇。程覃叔官宗人府丞，丁酉年侄也。温味秋、棣华叔侄均官翰林，吾竟不能知，坐询官阙乃知之。汪啸师世兄三人：翼新、建新、植新。杜文正师孙世兄三人：蕉坪、梅舫、若洲。晤翼新、若洲久谈。蕉坪、若洲，吉源侍郎之子；梅舫，云巢侍郎之子。

十七日。沈经笙中堂、崇文山、贺云甫、程覃叔、周荇农枉谈。李雨沧约赴陈俊臣之召，同席黄岱堂、夏竹轩五人。

十八日。杨翰云太守、张子履贰尹、顾翰臣太史枉谈。接吴凤堂一信。杜若洲、吴毅卿、徐寿鸿、皮小舲、李果仙、易汉乔次第过谈，遂尽一日之力。蒋鉴湖出继芑泉一子，邀同周荇农、曾沅甫、皮小舲、李果仙、曾尚仁、蒋少穆晚酌，沅甫为批定数条，亦抚书之创局也。

十九日。阴，凉。刘云生饷食，适约黄岱堂早谈，因并邀曾符卿评论相法，遂尽一日之力。终日纷扰，惟觉时日可惜而已。

二十日。卯正一刻，皇上登极，御太和殿受贺。沅浦宫保约三点钟同入东华门，至九卿朝房恭候。天晴风静，万里无云。惟祝圣人厚福，与天下臣民同受荫庇而已。与荇农前辈同至黄酒馆小坐更衣。往拜灵香生、毛煦初、崇朴山三尚书，殷谱经、徐荫轩、童薇砚、延树楠、察鉴泉五侍郎，惠杏田阁学，师继瞻京卿，杨振甫京兆，夏子俨^{伯英}通副。东城一隅之地，驰驱竟日，夜久乃能回寓。

廿一日。诣桑柏斋尚书、龚叔玉阁学、国佐廷将军、吴春海侍御、张菽园方伯诸处谈。本意料理西城内酬应，甫至单牌楼左

近一转，而（西）〔日〕已夕矣。裕时卿、汪翼卿、黄艺甫三处馈菜，心甚苦之。

廿二日。阴，郁热不可耐，南方以为风雨之征，北方所罕见也。萧雨亭自保定带到黄子寿一信。出门回拜，所见蒋少穆、唐斐泉、徐寿鸿、黄瑾瑜、萧雨亭、李篁仙数人而已。

廿三日。大雪。往吊钱辛伯夫人，便过李篁仙谈，因邀篁仙、谭敬甫、易翰乔晚酌。吴春海过谈，甚畅。

廿四日。魏赓臣邀同李雨沧、陈隼丞、萧岷山、侯敬亭早酌。便诣黄树皆及治贝勒，因询及载瑟庵后人，知其子已中癸酉乡试，因一往访之。晤普苾臣顾，官宗人府笔帖式，其弟普颢，丁卯举人，是为长房。兄弟凡三人。普牧山喆，癸酉举人，瑟庵同年之子也，是为二房。兄弟亦三人。普松兄弟二人，是为（二）〔三〕房。官吏部主事。同居一宅，光景颇窘。晚邀李静山、曾尚仁、苾臣、符卿、岳松、彭石堂小酌。以师继瞻送菜颇丰，邀同一谈也。

5

廿五日。往莲花寺看住房，亦不甚能惬意。东边别院颇佳，又苦潮湿。晚赴蒋寿山之召。客三：予与沅甫宫保、篁仙观察。主人四：静山与龙芝生、唐斐泉、徐寿鸿。

廿六日。童愁庵、敖经甫、吴春海邀同曾沅甫、陈俊臣会饮谢公祠。谭敬甫、易汉乔、黄瑾予重邀晚酌。亦困于酒食矣。谢公祠约崇文山不至。敬甫处兼邀周苻农前辈，得一畅谈。

廿七日。黄恕皆、贺云甫邀同沅甫、俊臣、蒋少穆会饮，晚回寓。李果仙治席款沅甫、俊臣及曾尚仁、蒋鉴海。

廿八日。李雨沧邀同俊臣及夏竹轩，胡小蘧邀同陈小航、龚叔玉、邓双坡、朱石翹、曹芑溪会饮广和居。两处酬应，并在一室。接吴春帆、邹岱东二信。

廿九日。病热颇重，请苻兄医治，会赴张洵泉之召，改请黄

琴庵诊之。会朱石翹及沅老过谈，遂留饭。

三十日。谢隐庄、王孝奉、李壬叔邀同沅甫会饮谢公祠，会晨食甫毕，病亦未愈，勉强一行。朱石翹、李勉吾及荇农前辈次第过谈。偕石翹相定地藏庵后屋。

二月

二月初一日己巳。接合肥相国信。正函寄叶曙清、黄子寿，因留相国一信未发行。出门拜客，至陈小航处久谈。

6

初三〔二〕日。潘伯寅、黄恕皆过谈。沅甫约同诣李壬叔、谢隐庄，会同至总税务司赫德处谈。赫德号乐斌，盖袭中国之文，泰西无有也。隐庄言可便道过丁冠西畦良，而未相约一往，因诣董韞卿谈，归晤沅甫，始知之。

初三日。午刻，移居延旺庙街地藏庵后进。曾沅甫宫保偕谢隐庄先至相迎。与李静山、曾尚仁、彭石堂、曾荇臣、符卿、岳松诸人为别。曹霞屏、潘星斋、焦桂樵、朱石翹、曾尚仁次第过谈。

初四日。扬州馆公送酒席，邀钱篋仙、喻小冈、黄瑟庵、王益吾、黄泽生、周辅生早谈。李祐生、蒋少穆枉过。出门回拜，至刘臧三、唐耕石处久谈。丁未同年在京者：沈经笙相国、桂小岩、杨沼坪一号味堂、成宝岩，及臧三、耕石，及曹芑溪，七人而已。治贝勒求西席，少穆荐吴筠亭孝廉超然，祐生荐张石荪明经承本。

初五日。微雨。吴子章枉谈，询知为吴仲云尚书之孙。徐寿鸿、姚朵云、曾符卿、国佐亭次第过谈。潘伯寅邀陪沅甫午酌，人客全集，三四催请始能成行。李祐生回湖南乡试，便致家信及

少奶奶单开购买各件，附致杨海琴、易海青、罗小垣、左癸叟各信。

初六日。潘绂廷、王月峰枉谈。沅甫宫保约同诣英国公使威妥玛。先至魏赓臣丹浦、周晓堂处，会同谢隐庄、李壬（秋）〔叔〕，与威公使、美副公使相见，为具酒果。次诣丁黼良冠西处久谈。顺便一至上湖南馆；黄岱堂以事赴保定，见蒋小吾、谢毓臣（耒阳）、杨简山（宁远）、魏玉山（桂阳州）、常惕如、曾心斋（衡阳，美少年六君。小吾为蒋养吾之子，玉山为魏质斋之子，惕如则常文节公之孙也。

初七日。谢隐庄、李壬叔复约同沅甫宫保诣美国爱公使、卫副公使，谈及华胜顿建立合众国，至明年丙子百年，为立庆百年大会，招致各国珍奇及工匠之精者，特造一馆以居之。其屋以铁为柱，嵌以玻璃，长一里许，在华胜顿城外。会毕，其屋仍可拆去也。又言金山有枫树一株，径四丈五尺，高三十餘丈，围十三丈五尺，相传为三千年物。昨威妥玛亦言及之，云泰西诸国所无也。诣治贝勒，荐与西席吴筠亭，坐中晤善星垣廉，文文端师之世兄也。便过王槐卿、李茂斋、刘云泉。接朱宇恬一信。夜梦至耕心堂老屋，或言葵臣公在内厅，急趋入谒。立者十餘人，均不相识。一老者倚壁坐，状类诚斋公而微瘦。予就拜之，葵臣公掖之起。已而手巨烛前导，予趋入西室。少顷出观，葵臣公已不见，旁皇而醒。葵臣公，乾隆壬子举人，官内阁中书，卒于京师，吾父时方数岁也。大父行惟及见诚斋公。梦中忽见葵臣公，与诚斋公颜貌恰相似。此行奉召求官，而忽有此梦，岂亦当考终京师，葵臣公先示之兆耶？亦一奇矣。

初八日。钱湘舲、张幼樵、刘云泉琴舫之弟、陈郅廷岱云之弟，星海之兄，其长兄曰陈伯符、王槐卿、吴筠亭、张石荪次第来见。史小卿送酒席，因邀周荇农、李果仙，并约小卿一谈。幼樵为朱修伯之

婿，辛未翰林，其兄佩经曾任两淮，云以兄命来见，人极清秀而明爽。吴筠亭槐卿所荐、张石荪李枯生所荐并来见。吴生发品。其陈俊臣所荐之邓星聚文奎，则至今未一见也。接黄子寿信，并递到方存之、叶曙清、范眉生三信。存之寄到方植之《汉学商兑》、《书林扬觴》二种，毛若人《春秋三子传》、《春秋诸家解》二种，刘献白《大易阐微录》，苏厚子《四礼从宜》，共六种。

初九日。周鉴湖来告言简放福建臬司之信。随诣朱茗孙商办谢恩折，请李果仙、陈伯平两君分缮正折及履历。人客纷集，颇觉酬应之苦。

初十日。具折谢恩，因诣恭王及军机大臣。随诣沅甫，同赴朱石翹之召，同席汪芷荪，畅谈至夕。

十一日。雨，雪。诣黄小琴、张幼桥、吴子重、周瀛樵、皮小舲，便邀朱石翹、刘云生、李运如晚酌。

十二日。专曹福、小周由天津坐轮船回南迎取家眷至上海，便致朱宇恬、朱香荪及意城、志城四信。又致李玉阶一信，属曹福迎取家眷至汉口，雇觅轮船始行投递。何湛园来见，新选漳州郡守也。出门诣曹芑溪、周荇农、张叔平、萧岷山、吴筠亭、张石荪诸处谈。石荪处便见胡若霞、翟居丞、汤补臣诸君。

十三日。谢次诚、孙让卿、谢隐庄过谈。次诚新选宁洋县。让卿，江西同知，与隐庄夙好。潘星斋、绂廷邀饮广和居，同席李小舲、徐季卿、汪柳门、洪文卿。

十四日。胡小渠、朱石翹、陈俪秋、刘聘臣、王寿甫、李篁（臣）〔仙〕、常惕如次第过谈。萧岷山、黄琴庵、侯仙舫邀同沅甫、篁仙会饮湖南会馆。便过钱湘吟、刘臧三、郭鹿泉、胡介卿诸处谈。

十五日。彭畏之、吴春熙吴新之京兆之子，现选沙县知县、杨秋帆、

张叔平过谈。陈小航邀同曾沅甫、彭畏之、贺云湖、周荇农早酌。是日得曾宫保简放秦抚之信。得合肥相国书，当复一函，并复吴春帆一函。

十六日。为先大夫忌辰，谢客一日。谢隐庄《焚馀草》三帙，存此月馀，始获一披览之。其议论可采者，如云：懒散是穷困后门，牢骚乃乞哀变态。真放下乃真操存，真操存乃真放下。要知伊川心存诚敬，乃真放下。心存诚敬，至于死生不动，更有何物不放下耶？愁苦处能放得下，便有进道之机。学者遇事不能应，只有炼心法，更无练心法。练心之法，大要只是胸中无一事而已。无一事乃能事事，便是主静工夫得力处。静者善之本，虚者静之本。静犹对动，虚则至一。敦厚虚静，仁之本；敬和接物，仁之用。心一而不纷，则能应万物，君子所以虚心而不动也。与天同原谓之虚，当以心求天之虚。人无皆非之理，惟在反己自修，一毫不起怨尤之心，此是孔门家法。《题齐玉溪居士还山图》山本未尝出，何以言还山？民物心一体，家国意相关。热血满一腔，恒欲化愚顽。愚顽不可化，足迹遍人寰。申江市且喧，转乐十亩间。动极复归静，闹里辄思闲。新安峰矗矗，阳羨水潺潺。何如归去来，相对常开颜。^①

①以下光绪元年二月十七日至光绪二年正月月底日记原阙。